



PARLIAMENT
OF THE REPUBLIC OF SOUTH AFRICA

KOPO YA HO THONYA

KGIRO YA DITHO TSE PEDI TSA LEKGOTLA LA BOLAODI BO IKEMETSENG BA DIKGOKAHANO AFRIKA BORWA (ICASA)

Ditsha kapa/le batho ba memelwa ho thonya batho ba ka tlatsang dikgeo tse pedi Lekgotleng la ICASA, jwalo ka ha ho hlonngwe ho ya ka Molao wa Bolaodi bo Ikemetseng ba Dikgokahano tsa Afrika Borwa, wa No 13 wa 2000 [Jwalo ka ha ho hlomathisitswe ka Molao wa Hlomathiso ya Kgaso, wa No 64 wa 2002 le Molao wa Bolaodi bo Ikemetseng ba Dikgokahano tsa Afrika Borwa, wa No 2 wa 2014].

ICASA e etsa melawana le melaotsamaiso ya ho laola kgaso le dikgokahano tsa mehala molemong wa setjhaba, ho netefetsa ho hloka leeme le mehopolo e fapafapaneng, mme bo beha leihlo tikoloho le ho qobella boikamahantsho ba melao, melawana le melaotsamaiso, ho mamela le ho nka qeto ka dikgohlano le ditsetlebo tsa indaseteri, ho rera le ho laola boholo ba forikhwensi le ho sireletsa bareki ho dikgwebo tse nang le leeme, ditshebetso tse boemo bo fatshe le dihlahiswa tse kotsi kapa tse seng boemong bo hantle.

Batho ba thontsweng ba tlameha ho itlama bakeng sa ho hloka leeme, puo ka bolokolohi, botshepehi, le ho nka boikarabelo mme ba tshwanela ho ba kemedi e akaretsang setjhaba sa Rephaboliki sa mefuta e fapaneng, le ho ba le boithutelo bo tshwanetseng, boiphihlelo le boitsebelo mafapheng a kenyeletsang, ho a mang, a kgasong, dikgokahano tsa elekteroniki le molaotsamaiso wa poso kapa ditshebetso, ntshetsopele ya maano a setjhaba, boenjenera ba elekteroniki, molao, thekenoloji ya tsa tlhahisoleseding, dikahare tsa mofuta ofe kapa ofe, tshireletso ya bareki, thuto, tsa moruo, ditjhelete kapa boiphihlelo kapa boithutelo bofe kapa bofe bo amanang, mme ba tshwanela ho ba baahi ba Afrika Borwa ba dulang Rephaboliking ka botsitso.

Dithonyo tse ngotsweng di tshwanela ho ba le mabitso ka botlalo le aterese ya setheo le/kapa motho ya thonyang, kamohelo ya ho thonngwa e tekenneng ke motho ya thonngwang le Nalane ya Thuto le Mesebetsi, e nehelanang ka tlhahisoleseding e latelang:

- Mabitso ka botlalo, nomoro ya boitsebiso le bong
- Aterese ya boikopantshe, dinomoro tsa mohala le fekeke le aterese ya imeile
- Boitsebelo ba nako e fetileng (ho qotswe matsatsi le mekgatlo e amehang)
- dikopi tse pakang mangolo a boithutelo le tokomane ya boitsebiso.

Dithonyo le dipotso di ka romelwa ho Komiti ya Tshebetso ho tsa Dikgokahano (Hlokomela: **Mong Thembinkosi Ngoma**, Mongodi wa Komiti), 3rd Floor, 90 Plein Street, Cape Town, 8001 kapa imeileng ya **tngoma@parliament.gov.za** kapa fekeseng ya **0865225740**. Dipotso ka mohala, ho ka letsetswa **(021) 403 3733** kapa **0837098407**.

Letsatsi la ho qetela la ho thonya ke: Labohlano, 30 Phupjane 2017 ka 16:00.

Ka kopo ela hloko hore ba tla thongwa ba tla lekolwa maemo a bona a boithutelo le tsa tlolo ya molao. Diphehiso tse tla fihla ka mora nako di keke tsa amohelwa. Bonkgetheng ba neng ba se ba entse dikopo ha ho hlokahale hore ba etse tse ding.

E ntshitswe ke Mong Humphrey Maxegwana, Setho sa Palamente: Modulasetulo: Komiti ya Tshebetso ya Dikgokahano.

Parliament. Making Democracy Work

www.parliament.gov.za